

یوہ آکا شوانی جموں ہے محمد اکرم تیں خبر سُنو۔

DY CM DRUGS MENANCE

منشیات کی لانت نال نمڑن تے محفوظ تعلیمی ماحول نانہ یقینی بنان گا مقصد نال اجتماعی کوششاں ور زور دیتاواں نائب وزیر اعلیٰ سریندر چودھری نے کہی وے کہ منشیات نے مارہ معاشرہ گا سماجی تانہ بانہ نانہ بری طرح متاثر کی وے جس گا فوری نمیزہ گی ضرورت ہے نائب وزیر اعلیٰ نے یاه گل سول سکڑیٹ سرینگر مانہ سیول سوسائٹی فورم کشمیر گا ایک وفد گے نال گل بات گے دوران کہی ملاقات گے دوران وفد نے ایک یادداشت نامو پیش کیو جس مانہ منشیات نال نمڑن واسطے ٹھوس کوششاں کی درکواست کی گئی وفد نے نائب وزیر اعلیٰ تے تعلیمی اداراں مانہ خطر ناک انداز مانہ پھیلن آلی منشیات کی لت گے بارہ مانہ وی آگاہ کیو اور اُنہاں نے اس سلسلہ مانہ منظم مربوط تے شواہد ور مبنی انداز مانہ حل کرن کی فوری ضرورت ور زور پایو۔

ITOO HEALTH

وزیر صحت تے طبی تعلیم نے کہیو ہے کہ حکومت اس گل نانہ یقینی بنان واسطے پُر عزم ہے کہ تمام سرکاری میڈیکل کالج موثر طریقہ نال کم کریں تے مریضاں تے طلبہ دواں نانہ جدید سہولیات فراہم کریں ایک اعلیٰ سطح جائیزہ میٹنگ مانہ وزیر موصوفہ نے بکھ بکھ ضلعان گے نادر سرکاری میڈیکل کالجاں کی کارکردگی بنیادی ڈھانچہ تے خدمات گو جائیزو لیو اس دوران اُن نے جاری منصوباں کی ویلے سر تکمیل مریضاں کی معیاری دیکھ بھال تے آپریشن مانہ شفافیت ور زور پایو وزیر موصوفہ نے ادھیات گ ا معیار ختم ہون بارے معمول غی جانچ صفائی ستھرائی نانہ بہتر بنان تے محکماں گے درمیان بہتر تال میل کی ہدایت کی اُنہاں نے کہی و جے طبی تعلیم نانہ بدھان تے پورہ خطہ مانہ جدید صحت کی دیکھ بھال توڑی رسائی نانہ بدھان بارے کوشش جاری ہے۔

ADVISOR FILM INDUSTRY

وزیر اعلیٰ گا مشیر ناصر اسلم وانی نے ممبئی مانہ ایف آئی سی سی آئی فریمز ور فلم تے تفریحی صنعت گ ا ممتاز شراکت داران نال ملاقات گو سلسلو منعقد کیو ملاقاتاں گو مقصد جموں کشمیر نانہ فلم تے شوٹنگ واسطے ایک اہم مقام گ ا طورور فروغ دینو تے ات ایک متحرک فلمی ماحولیاتی نظام نانہ فروغ دینو تھو وزیر اعلیٰ گا مشیر نے فلم صنعت گا لوکاں نانہ اپنا ان الا منصوباں واسطے جموں کشمیر گا خوبصورت مقامات نانہ تلاش کرن کی دعوت دتی جناب وانی نال ملاقات کرن آلاں مانہ پروڈیوسر گلڈ آف انڈیا قومی فلم ترقیات کاپوریشن موشن فکچر ایسوسی ایشن امریکہ پرسار بھارتی تے بھارتی موشن فکچر پروڈیوسر ایسوسی ایشن گا نمائندن گان وی شامل تھ۔

RAJOURI ENCOUNTER

راجوری ضلع گا کنڈی پولیس اسٹیشن گا بیرن تھب علاقہ مانہ کل شام دہشت گرداں تے خاص کاروائی کرن آلا دستہ یعنی ایس او جی گے درمیان گولہ باری گو تبادلہ ہوو آئی جی پی جموں بھیم سین ٹوٹی نے ایک سماجی میڈیا پوسٹ مانہ اس کی ا جانکاری دتی تے کہی و کہ پولی س فوج تے سی آر پی ایف کی مشترکہ ٹیم موقع ور پُجی ہے تے علاقہ نانہ کیرہ مانہ لے لیو تاکہ کسے وی دہشت گرد نانہ فرار ہون توں روکیو جاسکے اس ویلے تلاشی کاروائی جاری ہیں تے علاقہ مانہ اضافی نفری تعینات کردتی گئی ہے حکام صورت حال ور گیری نظر رکھیا ویں ہیں۔

YATRA RESUMES

خراب موسم بارے ہدایت گے چلتیں لگا تار ترے دنان توڑی شری ماتا ویشنو دیوی یاترہ معطل رہن توں بعد آج دوبارہ شروع ہو گئی ہے واضع رہ جے گرج چمک تے ترکوٹہ پہاڑہ ضب گ ا علاقہ مانہ پسی پین غے امکان غے مد نظر یاترہ نانہ احتیاطی تدابیر گا طورور روک دتو گیو تھو ہر ہون بہتر موسم نانہ نظر مانہ رکھتاواں حفاظتی صورت حال نانہ نظر مانہ رکھتاواں دوبارہ کھول دتو گیو ہے شرانین بورڈ گا عہدے داراں نے تصدیق کی ہے کہ یاترہ باسانی جاری تے خوشی گو اظہار کرتاواں یاتری بھون آلے پاسی بدھ ریپا ہیں۔

WINTER ONSET

حالیہ پاری بارشاں نے جموں کشمیر مانہ سردیاں کی شروعات کردتی ہے جس نال رہائشیاں نانہ گرم کپڑہ پاتان پے رہیا ہیں اچیرہ علاقان جا راہ انتھ اٹاپ ٹپو دار سیوجدھار تے لچٹاپ ور تازہ برف

پین گی اطلاع ملی ہے جد کہ میدانی علاقہ مانہہ موسلہ دار بارش نے معمول گی زندگی نانہہ متاثر کی وہے تے اس دوران دہی بازاراں مانہہ آمد وی کہت ہوئی مشہور سیاحتی مقامت پتی ٹاپ ننھاٹاپ تے سناسر پاری برف گی تیاری کر رہیا ہیں۔ اُمید ہے کہ برف باری زیادہ سیاحاں نانہہ راغب کرے گی تے خطہ مانہہ تہوار گا طور ور موسم گی معشیت نانہہ فروغ ملے غو۔

POSHAN MAAH

زندگی غا ہر مرحلہ ور غزایت تیں متعلق آگاہی نانہہ فروغ دین واسطے ضلع انتظامیہ رام بن جوش و خروش تیں پوشن مہم غے تحت آج پوگل علاقہ مانہہ پوشن آئی سی ڈی ایس رامبن غی جانب تیں قومی پوشن ابھیان غے تحت ایک خصوصی کیمپ گو انعقاد کیو گیو

NEWS READ BY MOHD AKRAM
NEWS EDITOR ABHILASHA SHARMA
TECH ASST PALLAVI
SKILLED TARSEM
DEO NUSRAT